



REPUBLIKA E SHQIPËRISË  
AUTORITETI I KONKURENCËS  
KOMISIONI I KONKURENCËS

**VENDIM**  
**Nr. 628, Datë 13.06.2019**

**“Për dhënien e disa rekomandimeve Entit Rregullator të Ujit mbi aplikimin për ndryshimin e nivelit tarifor për ndërmarrjen “Ujësjetllës Kanalizime Tropojë” SHA”**

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 13.06.2019, shqyrtoi çështjen me:

**Objekt:** Dhënien e disa rekomandimeve Entit Rregullator të Ujit (ERRU) mbi aplikimin për ndryshimin e nivelit tarifor për ndërmarrjen “Ujësjetllës Kanalizime Tropojë” SHA.

**Bazë ligjore:** Neni 24, germa d) dhe f); neni 26; neni 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës” (i ndryshuar).

**Komisioni i Konkurrencës pas shqyrtimit të:**

- Relacionit mbi aplikimin për ndryshimin e nivelit tarifor për Ujësjetllës Kanalizime Tropojë SH.A,

**VËREN SE:**

- 1- ERRU-ja nëpërmjet shkresës Nr. 320 Prot., datë 17.05.2019, informon Autoritetin e Konkurrencës se me vendimin e Komisionit Kombëtar Rregullator (KKRR) Nr. 6 Prot., datë 01.02.2019, ka filluar procedurën për shqyrtimin e aplikimit për ndryshim tarife të ndërmarrjes Ujësjetllës Kanalizime Tropojë SHA, e cila ka propozuar me anë të projekt-vendimit, të aplikojë vendosjen e nivelit të ri të tarifave të shërbimit për furnizimin me ujë të pijshëm, largimin e ujërave të ndotura si edhe tarifën fikse për mirëmbajtjen e rrjetit të ujësjetllësit, në të gjithë zonën e shërbimit pas riorganizimit.
- 2- Nga shqyrtimi dhe vlerësimi i informacionit mbi aplikimin për ndryshimin e nivelit tarifor si dhe projekt-vendimit përkatës “Mbi miratimin e tarifave të shërbimit të

furnizimit me ujë dhe largimin e ujërave të ndotura për ndërmarrjen Ujësjiellës Kanalizime Tropojë SHA”, rezultoi se:

- Aplikimi i metodologjisë për ndryshimin e tarifave ka filluar me analizën e kostove të operimit dhe mirëmbajtjes, të cilat duhet të jenë të justifikueshme, si dhe në analizën e performancës, e cila tregon rritje të tarifave jo në mënyrë graduale në vitet në vazhdim prej 15 vitesh.
  - UK Tropojë SHA duhet të aplikojë tarifat e miratuara nga ERRU sipas Vendimit Nr.29, datë 13.10.2004 “Për miratimin e tarifave për konsum publik të UK Tropojë SHA”, por aktualisht referuar Vendimit të Këshillit Mbikëqyrës nr. Ekstra Prot., datë 29.12.2013, për kategorinë e konsumatorëve familjarë për zonën urbane (qytetin Bajram Curri) aplikon tarifën volumetrike të ndryshuar (29.2 lek/m<sup>3</sup>). Sipas ndërmarrjes Ujësjiellës Kanalizime Tropojë SHA, niveli i tarifave në fuqi në raport me koston totale, gjendjen e amortizuar të sistemit është relativisht i ulët.
- 3- *Për shërbimin e furnizimit me ujë të pijshëm*, aktualisht për konsumatorët familjar, ndërmarrja aplikon tarifa të diferencuara për zonën urbane të Tropojës (29.2 lek/m<sup>3</sup>) dhe për zonën rurale (15.8 lek/m<sup>3</sup>), të cilat kanë qenë të miratuara me Vendimin e Këshillit Mbikëqyrës Nr. Ekstra Prot., datë 29.12.2013 dhe janë më të larta nga ato që kanë qenë miratuar nga ERRU me Vendimin Nr.29, datë 13.10.2004.
- 4- Njëpërmjet aplikimit, ndërmarrja Ujësjiellës Kanalizime Tropojë SHA propozon rritje të tarifave dhe unifikimin e tyre, për konsumatorin familjar në zonat urbane me 11.8 lek/m<sup>3</sup>, duke pësuar një rritje afro 37% dhe për konsumatorët publik rritet me 30 lek/m<sup>3</sup> ose 60% më shumë, për konsumatorët privat rritet me 13.3 lekë/m<sup>3</sup> ose 20% më shumë, ndërsa për zonën rurale propozohet vendosje e tarifës prej 14.2 lekë/m<sup>3</sup> më shumë, pra duke pësuar një rritje 89.87%. Tarifa volumetrike për largimin e ujërave të ndotura, për të tre konsumatorët është një tarifë e re, fikse 13 lekë/m<sup>3</sup> për konsumatorin familjarë, 22 lekë/m<sup>3</sup> për konsumatorin publik dhe privat.
- 5- Nga analiza e kryer, bazuar në metodologjinë për vendosjen e tarifave, lidhur me treguesit e performancës, për secilën prej tyre janë vendosur objektiva të arritshme sipas ERRU-së për vitin 2018, 2019 duke synuar përmirësimin e performancës së shërbimeve të ofruara, duke reduktuar kostot e mirëmbajtjes dhe operimit, uljen e humbjeve teknike dhe administrative.
- 6- Nga analiza ekonomiko-financiare, sipas ERRU-së, rezulton se ndërmarrja Ujësjiellës Kanalizime Tropojë SHA edhe pas riorganizimit nuk arrin të mbulojë kostot e operim mirëmbajtjes pasi ajo parashikohet të jetë në masën 98 % gjatë 2019, ndërsa mbulimi i kostove totale parashikohet 76%.
- 7- ERRU-ja gjykon se ndërmarrja Ujësjiellës Kanalizime Tropojë SHA për vitin 2019 duhet të rritë kostot direkte të operimit dhe mirëmbajtjes me 15%, si edhe kostot totale me 16% krahasuar me vitin 2018, vit gjatë të cilit ajo ka mbuluar rreth 60% të koston totale edhe për pjesën e zgjeruar të zonës së shërbimit.

- 8- ERRU gjykon se ndërmarrja Ujësjetllës Kanalizime Tropojë SHA ka ende nevojë për subvencione për mbulimin e kostove totale, si dhe ka nevojë për investime emergjente, pasi rrjeti është i amortizuar, sidomos në disa zona në të cilat mjaft asete kanë dalë jashtë përdorimit.
- 9- Tarifat nuk duhet të tejkalojë kostot, duke shmangur fitimin e ndërmarrjes UK Tropojë SHA e cila ka pozitë dominuese dhe rregullatori duhet të stimulojë uljen e këtyre kostove, arritjen e fitimeve të arsyeshme, si dhe vendosjen e tarifave në nivele minimale, duke siguruar që konsumatorët të paguajnë çmimin e duhur për produktin dhe shërbimin që u ofrohet.
- 10- Duke qenë se niveli i kostove për vitin 2018, 2019 mbetet thuajse në nivele të ulëta krahasuar me ato të vitit 2017 me një rritje prej 15%, subvencionet që do të përfitojë kjo ndërmarrje për mbulimin e kostove, si dhe të gjitha investimet për përmirësimin e rrjetit të ujësjetllës, duhet të jenë sa më transparente, të përshtatshme, efikase e fitimprurëse, dhe të nxitin reduktimin e kostove nga niveli aktual si dhe përdorimin në mënyrë efektive të burimeve ujore.
- 11- Nga vlerësimi i Konkurrencës “Mbi miratimin e tarifave të shërbimit të furnizimit me ujë dhe largimin e ujërave të ndotura për ndërmarrjen Ujësjetllës Kanalizime Tropojë SHA” rezulton se: Ndërmarrja Ujësjetllës Kanalizime Tropojë SHA ka pozitë dominuese dhe si e tillë, ka detyrimin e orientimit të çmimeve drejt kostos. Në aplikimin për rritje të tarifës, UK Tropojë SHA nuk ka realizuar ndarjen veç e veç dhe sipas zonave, të kostove të shërbimit të furnizimit me ujë të pijshëm nga shërbimi i largimit të ujërave të ndotura.  
ERRU në analizën ekonomike financiare të saj ka marrë në konsideratë kostot totale së bashku për të dy shërbimet e ofruara, duke mos zbatuar Vendimin e Komisionit të Konkurrencës Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimit të ujërave të ndotura”, pika (I), gërma (e).
- 12- Konstatohet se informacioni mbi aplikimin për ndryshimin e tarifave është bërë transparent në faqen e ERRU-së, por nuk është marrë në konsideratë rekomandimi i dhënë nga Komisioni i Konkurrencës me Vendimin Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimit të ujërave të ndotura”, pika (I), gërma (e).

### **PËR KËTO ARSYE:**

Komisioni i Konkurrencës, bazuar në nenet: 24, germa d) e f); 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës” (të ndryshuar), me propozim të Sekretariatit,

### **V E N D O S I:**

- I. T'i rekomandojë Entit Rregullator të Ujit si vijon:

1. Tarifat që do të miratohen nga ERRU për ndërmarrjen Ujësjellës Kanalizime Tropojë SHA, të jenë të orientuara drejt kostos së shërbimeve.
  2. ERRU të kërkoj nga Ujësjellës Kanalizime Tropojë SHA, ndarjen e kostove për të dyja shërbimet e ofruar a) shërbimi i furnizimit me ujë dhe b) shërbimi i largimit të ujërave të ndotura, duke njoftuar AK brenda 90 ditëve për realizimin e këtij rekomandimi.
  3. ERRU të kryej auditimin (verifikimin) vjetor të përputhshmërisë në sistemin e llogaritjes së kostos. Të bëj transparente përshkrimin e sistemit të llogaritjes së kostos.
- II. Ngarkohet Sekretari i Përgjithshëm për njoftimin dhe ndjekjen e zbatimit të këtij vendimi.

Ky vendim hyn në fuqi menjëherë.

### **KOMISIONI I KONKURENCËS**